



## Universitätsbibliothek Paderborn

### **Theologiae Mysticae Sive Exercitiorum Spiritualium Admodum Reverendi Patris P. Aloysii Siderei, Alias Vincentii Caraffa, Societatis Iesv Praepositi Generali, Tomvs ...**

ex Italico Latino recenter idiomate opera et studio fidelissimi cuiusdam  
interpretis donatus

Iter ad coelum in quatuor partitum Semitas seu partes, & Fasciculum  
Myrrhæ

**Caraffa, Vincenzo**

**Coloniae Agrippinae, 1660**

De primo modo, quo Passio Christi nostram operata fuerit salutem per  
modum meriti.

[urn:nbn:de:hbz:466:1-49363](https://nbn-resolving.org/urn:nbn:de:hbz:466:1-49363)

...itur peccatum totius natura, seu inficiens totam  
 naturam. Christus per Passionem suam satisfecit  
 pro peccato, & pro omni pœna, & reatu pœnæ:  
 propterea dicitur Christus Passione suâ nobis ape-  
 ruisse & reterasse portas cœli: Ex quo etiam intelli-  
 gitur ante Passionem Christi nullus etiam sanctus, &  
 peccato existens, cœlum ingredi poterat: quia se-  
 cundum ordinem Diuinæ iustitiæ Christus satisfecit  
 pro peccato naturæ, nempe, pro peccato origi-  
 nali, in quantum totam inficiebat naturam hu-  
 manam, quemadmodum fecit in Passione sua. Sed  
 non quisquam, ante Passionem Christi remitteba-  
 tur peccatum per Circumcisionem in fide futuræ Pas-  
 sionis Christi, vti modò per baptismum in fide Passio-  
 nis Christi præteritæ, ergò etiam ante Passionem  
 illam ianua debebat esse aperta. Respondetur cum  
 quædam: quod per Circumcisionem remittebatur  
 peccatum originale vt contractum à filiis Adami in par-  
 tibus: sed non ab iisdem, tanquam à descendenti-  
 bus à Adamo, & pro ut peccatum illud inficiebat to-  
 tam naturam humanam, & in hoc secundo modo solus  
 Christus satisfecit Passione suâ: ac propterea non nisi  
 illam ianua cœli aperta est.

Et hæc, quæ de quinque beneficiis per Passio-  
 nem Christi nobis præstitis, vt quod nos liberarit à  
 peccato, à pœna, à potestate Diaboli, Deo nos re-  
 ligant, & ianuas cœli nobis aperuerit, breuiter per-  
 tractamus, sufficiant. Super est, vt de modo, quo Chri-  
 stus effectus operatus fuerit, dicamus.

De Primo modo, quo Passio Christi no-  
 stram operata fuerit salutem.

*Per modum meriti.*

Passio Christi, in quantum voluntariè acceptata  
 & oblata pro nobis, non meritoria duntaxat, verùm  
 merito extitit infiniti, propter infinitam Personæ  
 dignitatem, & Naturam Diuinam, vt iam statim dice-  
 mus: ergò merebatur infinitum præmium, ergò mereri  
 pote-

§ Tq. 69.  
art. 1.

Ephef. 1.

Ioan. 1.

poterat pro se, & pro aliis, simulque operari nobis salutem per modum meriti, promerendo nobis gratiam, & cætera omnia auxilia supernaturalia ad salutem necessariam. Præterea id probat S. Thom. quia Christus propter hanc infinitam dignitatem meriti est Caput nostrum, non naturale, sed morale & metaphoricum: veluti Princeps dicitur Caput Reipublicæ: & per consequens gratia Christi, in quantum vnita gratiæ vniois, est gratia Capitis, & nos omnes Christi, tanquam Capitis, membra sumus. Sicque ex Christo & Ecclesia integrum quoddam formatur corpus mysticum, in quo Christus est Caput, Ecclesia corpus, & Christiani sunt membra. Ita ait S. Apostolus Paulus: *omnia subiecit sub pedibus nostris, & ipsum dedit Caput super omnem Ecclesiam (militantem simulac triumphantem) que est ipsius corpus.* Ita videtur, si Christus est Caput, nos membra; sicut Caput naturale influit sensum & motum in membra; ita Christus in nos, & animam nostram influit sensum & motum spiritualem per influxum gratiæ. Deinde Caput naturale tres sortitur conditiones respectu suorum membrorum: *ordinem, perfectionem, & virtutem*; quia est prima pars corporis inter omnia membra, in se continet omnium sensum tam interiorum, quam exteriorum perfectionem (ubi reliqua membra solo gaudent sensu tactus) & influit in membra influxum internum mentis spiritibus vitalibus, & directionem externam, moderando & regendo corpus in operationibus externis per sensum. Eisdem conditiones habet Christus respectu nostrorum. De iure merito dici potest Caput nostrum; sequitur primum obtinet locum præ reliquis creaturis, quod primogenitus in multis fratribus: conditarum gratiam gaudet plenitudine: *Vidimus eum plenum gratiæ & caritatis*: influit in nos, quia de plenitudine eius omnes accipiunt: & influit immediate per influxum interiore creaturæ, & mediate, mediante suo in terris Vicario per directionem exteriorem.

Ostendimus hætenus, quomodo Christus, ex hoc Caput nostrum mysticum, meruerit nobis salutem concurrente per modum meriti: restat, vt magis speciatim examinemus modum, quo meruit Christus D.

Tanquam Filio Dei naturali compete-  
 bat ei in instanti conceptionis suae ( *ex debito connaturali* ) omnis perfe-  
 ctio gratiae & gloriae. Unde ex hac parte, & quod  
 propriam concernebat perfectionem, non indigebat me-  
 rito: sed nostri commodi & utilitatis ergo elegit ope-  
 rari ex merito. Quem in finem duo in seipso patravit  
 gratia: primum, quod permiserit animam suam esse  
 passibilem & subiectam tristitia, timori, & aliis simili-  
 bus, tamen ex alia parte illa fuerit beata beatificata Dei  
 visione: aliud miraculum fuit, quod impediuerit, ne  
 gloria resolutaret & redundaret in corpus: sed relique-  
 rit illud esse passibile & mortale: ut per utramque viam  
 mundi esset in statu Comprehensoris & Viatoris, ac pro-  
 inde capax meriti. Igitur a primo instanti concep-  
 tionis suae per primum illum actum amoris & obedientiae  
 erga Patrem aeternum elicitum meruit nobis: & offe-  
 rendo meritum illud pro nostra salute, quia infiniti erat  
 valoris, meruit, quantum est ex parte Christi, gratiam  
 & gloriam pro toto Mundo. Meritum, conformiter  
 sententiae Theologi consistit in actu elicitu voluntatis in-  
 trinsecae, veluti in eodem residet intrinsecae libertas: & in  
 actu imperato solum extrinsecae, & ( ut aiunt ) per deno-  
 minationem extrinsecam voluntatis imperantis. Isto  
 ergo actu elicitu voluntatis Christi, quo acceptavit pra-  
 ceptum & obedientiam Patris circa nostram redem-  
 ptionem, meruit Christus adaequate, excessiue & cum  
 omni rigore iustitiae salutem nostram: quamuis, ut mox  
 dicitur, in hunc finem non ordinauerit hunc solum ac-  
 tum, sed omnes omnia eius actus & merita simul unita to-  
 tae vitae & Passionis suae. Et hoc satis sit pro intelli-  
 gentia, quomodo Christus nostram salutem operatus  
 fuerit *per modum meriti*. De eo, quod valorem, effe-  
 ctus, & meritum horum concernit applicatio-  
 nem, dicetur infra,

✠ (o) ✠

Partes Quarta

d

De